

آبونه شرائطی

داخلی ، خارجی هریر ایچون
سنه لکی (۲۵۰) ، آلتی آیلقی
(۱۳۰) غروشدور.

[نسخه سی ۵ غروش ،
سنه لکی ۵۲ نسخه در .]


اداره خانه

باب عالی جاده سنه دائره مخصوصه

اخطارات

آبونه بدلی پشیندر

مسلكه موافق آثار مع الممنونیه
قبول اولنور . درج ایستلین
یازیلر اعاده اولونماز .



دینی ، فلسفی ، علمی ، ادبی هفته لقی مجموعه اسلامیه در

والله یهدی من یشاء الی صراط مستقیم

باش محرر
محمد عا کف

صاحب و مدیر مسئول
اشرف ادیب

اتبهون اهد کم سبیل الرشاد

عدد : ۳۸۰

۲۳ صفر ۱۳۳۷

پنجشنبه

۲۸ تشرین ثانی ۱۳۳۴

جلد ۱۵

اسلامیت ، دور جهالت و تعصبك علوم و فنون ايله زوالندن
صوكرامدينك اداره و سياسته حاكم اوله بيلمك سويه سندن يك
چوق اوزاق اولان انجيلك بوسبوتون ضدی اولارق ناظم و مرشد
اولق خارسه سنه مالكدور .

قاتوليك برحکومت، جمهوریتی قرالیت، یا خودبونلرك ايکنجیسی
برنجیسنه قلب ایتک کي کایسا تشکیلاتنه ، برعادت و دعا محلی اولان
معبد دروننه خصوصی مکتبلر ، میسیونرلرک ، ملی و سیاسی فکر
جریانلری ، استفاده مالییه متقابل سیاست مروجلکی و یا بانکیه لک
ادخال ایتش اولان مؤسساتی کیندی ایشنه اجرای تأثیردن منع
ایتمه سی باشقه ؛ برده بونلرك هیچ بری بولونماقدن ماعدا بالعکس
مساوات حقوق ، تأمین عدالت ، ایقاپ سیاست ، ارائه طریق حکمته
مأمور و هیچ بر امتیازی اولمایه رق خلیفه یه ، پادشاه بیلک عدل و یا
ظلم نقطه سندن حاکم اولان دین اسلام ، بنه باشقادر . همده یک
باشقادر . بنه علیه بویکی تشکیلات بیننده ذره قدر مشابیه یوقدر .
حکومت مز دینه ، و اونک تقین ایتدیکی اجتماعیات و حقوق
قانونلرینه خالصانه رعایت ایتدیکی وادی بعضاً ظاهراً طونارکن
اکثریا باطناً بیراقدینی ایچون اداره و سیاستده موفق اولامادی .
حال بویله اولونجه و دین اسلامک اک علوی واک اتمهائی بر
« ده موقراسی » نی کوزمزه ، دماغمزد صوقان « کلکم راع و کلکم
مسئول عن رعیت » اخطار جایلندن صوکر « ته موقراسی » وجودینی
ادعا ايله موجود اولمایان برشیئی قالدیر مق حسی نه قدر غیر طیبی
ویا کلشدر .

بزده ؛ ادراکده ، حسیاتده ، عقل سلیمده هپسی ... هپسی
جدی و دقیق بر مسلمان ، همده علماً متمدن بر مسلمان سیاستی ايله
الده ایدیلک بیلیر . ذاتاً بودین « معامله دینی » ، « ناصح اولق دینی »
و « راسخین ، دینی در .

خلافت اسلامیه

آتی غزته سندن :

« شرق و اسلام عالمی بذاته ده موقراتدر و اوندن باشقه بر سلطه طانیاز .
اوروپانک حالا واره مدینی اس مساواته بز اون اوچ عصر اول کلشدر .
ایکی ذهنیت باشقه باشقادر . بنه علیه اوروپاده [رومانو] ، [هابسورخ]
[هوهنجولرن] کي اعصار دیده ، لکن ده موقراسی به مانع و اونکله مبارز
سلطنت خاندانلرک انقراض و اندراسی ده موقراتیق بر مؤسسه اولان خلافتک
استعلاسی موجب اولور .

بر آر آفرانغه یه یاقین ، لکن حقیقت تاریخیه و روحیات شرقیه ايله
القی اولمایان کیمسه لر و بالخاصه بو وطن ايله مناسبتلری مذهب بوقلمونلرینه
اولان نسبتلرندن فضله بولونمایان بر طاقلری ، بلکه ، بو جلوه تاریخی
آکلمازلر . فقط ، امین اوله لم که قوافل ملائکه آره سنده یالکیز برابلیس
رجیم چیقابیلیر ؛ فضله سی چیقاماز . اونک کي اوچسوز میلیونلق جمهور
مسلمینک صلابتنه خلل کلز .

هیچ بر دولت ماصره خلافته سنک انداز اولماز ، چونکه خلافت

دولتلك فوقنده در . خلافتنه تعرض ایتک ، اونی تقویه دن باشقه بر نتیجه یه
پیوسته اولماز . اکر ، فرض مستبعد اوله رق بر دوات مادیه خلافتی بیقمق
ایسترسه ، قایلرده ؛ سچیبه ده ، فطرنده ، حقیقتده مرکوز اولان بوشجره ،
بودانوب کسب قوت ایدن بر نهال کي ، یکی بر قوت ايله فیشفیره جق ،
و کندی وجودینه هائل اولاق موجودیتلری بیقه جقدر .

خلافت اسلامیه ، اوچسوز میلیون فردک بر ده موقراسینک ، بر جمهورک ،
ده موقراسیدن باشقه بر سلطه طانیایان بر قسم بشریتک عمل و مشخص
موجودیتی ، ترجان آمالی ، محصله تاریخیه سیدر . جمهور مسلمین ، آمریقا
ده موقراسیدن ، آتی ۱۷۸۹ ده وجودینی آکلایان فرالسه جمهوریتندن ،
حالا سفین شک ایچنده بولنان انکلیز ده موقراسیدن اسکیدر ، بنه علیه
قابلیت حیاتییه سی فضله در .

..... سیوری عقلا واز ؛ بو عصر ده موقراسی ايله خلافت ناصیل
قابل تألیف اولور ؛ خلافت ده موقراسینک تأیید و تأکید دیکدر . دنیا ده
اک متعنی ، اک اسکي ده موقراسی جمهور مسلمیندر . بز بو موضعه
عقائد اعتباریه دکل ، بر کیت سیاسی و اجتماعی اولق اوزره اسلامیتندن
بحث ایدیورز . اسلام بر ده موقراسیدر . ده موقراسینک ضد کاملی اولان
اوروپا آریستوقراسینک هیچ بر ذره سی موجود میدرکه بو ، اسلامیه مظهر
مساحه اولسون ؛ حریت ، اخوت ، مساوات ، (فران ماصورنی) دن
اول اسلامیتک تقریرینه مظهر اولشدی .

دها اوست طرفنه کیده لم : بوکون (قاپیتالیزم) علیهنه بر قیام عمومی
و کونی وارددر . مزاجیه ، فائض ، قاپیتالیست بر عالمک تکاملنه بادی
اولش ؛ فی الحقیقه ترقیاتی ده انتاج ایتش ایه ده ، بوسلطة اغنیا ، میلیونلره
انسانک فقری ، بو فقرده عظیم بر مساواتلرانی ، بو حال ایسه طبقات
اجتماعیه مخالفتی ، محاربه عمومی ؛ سوسیالیزمی ، بالشیویزمی احباب وانتاج
ایتدیر معدر . بو اعتبار ايله اقتصادیات اسلامیه ايله سوسیالیزم آره سنده
بو یوک بر قرابت مشاهددر . دون طولاش بنه عالم (حرمت ربوا) یه
کلور . ترقی ، تکامل ، نفیض هر وقت ایلریده دکلدر . اکر اوله
اولسه یدی اک صوکه زمانلرنده محاربه عمومی کي بر بادره و لهره ، نوع
بشری دوجار ألم و ماتم ایتزدی . . .

بکا اوله کلورکه اسلامیت سیاسی و اجتماعی بو امتحاندن دها قوتلی
چیقه جقدر . اسلامیت غیر فوضوی ، لکن ایلری بر مسلک اجتماعیدر .
هله اهل اسلام ، مقام خلافتنه تعرض ایدلدیکنی کورونج اوکا اولان سر بوطیتی
بر قات دها آرتهر جقدر .

خلافت بر سلطنت مادییه استند ایتدیکه مستقل اولماز . تابعیت و یا
حمایه اجنبیه ده بر خلافت ، خلافت دکلدر . بنه علیه آل عثماندن اولمایان
بر خلیفه نك خلافتی غیر وارددر . چونکه او خلیفه بر بنده اجانبدر .
خلافتک وجودی ، سلطنت همنایه نك بقا و دوامی ، شوکت و مکتفی
مستلزمدر .

دور سابقده حاصل اولان تشقت اسلامی ، انشالله ، حکمدارنواقباللرک
ذاتلریله ، وجودلریله ازاله ایدیلک و جامعه اسلامیه اسکینندن دها فضله
بر قوت بوله جقدر .

استطرا دأشوراسنی ده ذکر ایدلم که خلافت اسلامیه نك مظهر تکاملات
اوله سی تبعه اسلامیه مالک اولان بوتون دولتلك لهنه بر حرکتدر . بویله
بر خلافت ، بین الدول بر عنصر موازنه و صلاح اولور . هر دولله خوش
کچنمک شعاری و مقتضای عدالتی بولونان بر خلافت بر خیلی منازعاته مانع
اوله بیلیر . جلال نوری

بیوک بریتانیا و مقدرات اسلام

بوعنوان ايله « آتی » غزته سی مهم بر مقاله نشر ایتشدر . خالص بر
مسلمان فکریه یازیلش بومقاله نك بعض فقره لرخی نقل ایدیورز :

امیرال سور (آرتور غالتورب) ک محروسه قسطنطنیه یه ورودیه

کوتولکنی انکلتزەدن بیلە جکاردر . بویوک بریتانیا ، بوکون مواجەئە اسلامدە پک مەهم امتحان کچیرمکدەدر .

پک ای بیلپورزکە وضعیت حاضرنە تائین ایتدیکی ازیمچی وقامر تفوق ، صلیک ، صوک اسلام استقلالنەدە اوکولماز برضربە موت ایندیرە بیلیمنی قولایلاشدیرمشدەر . اوت ، آرتق اسلامک (حیات رسمیه) سنە نهایت ویرمک ، آوروپا و آمریقانک ید قدرتنەدەر ؛ فقط بز ، انکلتزەنی ، منحصرأ انکلتزەنی بو احتمالک ، دکل فجاعت وقوغندن ، حتی شئامت شیوعندن تحذیر ایدرز . (اسکویت) ک ، غزەلردە کوردیکمز بیاناتی ، ایدورولش یالانلر دکل ایسە امین اولمالی کە انکلتزە ، دوستلرینی غائب ایتک اوزرەدر . شەهسزجریان حادئانک تأثیریلە اولە حق ، انکلتزەنک شرق و اسلام حقنەدی غعناتی فدا ایتکدە اولدیغنی کوریوز . (شرق وجدانک انجەلکترینە واقف آدام) انکلتزە کلەسنک برمدلول دیکرینی افهام ایدر . بووصفە کسب لیاقت ایتش اولان بر ملت ، غیر قابل تجزی اولان اسلام وجداتی بوندن فضلە جریحەدار ایتمکدن صاقینالیدر .

اسلامیتک ، ادیان سائرەدە موجود اولمایان بر نظامی تربیویسی واردرکە بونک ، بوموضوع داخلندە پک بویوک برقیمت واهمیتی واردر : اسلاملر ، بری برلرندن نە قادار اوزاقلاشیرلرسە روحلری اونسبتدە یاقینلاشیر . اسلاملر ، مخاصمە حالندە بیلە بری برلرینک ملی مصیبتلرینە آغلارلر . قوتی قرآن وحدیثدن آلان بو حالت روحیه اہمال ایدیلە جک بر کیفیت دکلدر ، بوکون ، شرعاً متبوعنە قارشى برصاحب خروج وضعیتدە اولان شریف حسین پاشادن طوتیکزەدە سوریه وعراقدە دینداشلرینە قورشون آتان ہندلی نفرە وارنجہیہ قادار ہر مسلمان ، مثلاً بر اسلام خانمک سرخوش افراد عسکرہ طرفندن دوچار تعرض اولماسنی ، مقدساتنە بر تجاوز عد ایدر . اسلام روحی طانیانلر ایچون بونک قدر طبیعی بر شی تصور ایدیلە مر . [غریبدرکە مثال قیلندن ایراد ایتدیکمز بومسألەدە انکلتزە عسکرینک دخلی اولمادیغنی حالەد افکار عمومیہ اسلام ، بونک مسئولیتنی انکلتزەیہ تحمیل ایتکدە تردد ایتمز .]

بویوک بریتانیا ، مصنوعات ومعمولاتنی صائمق ایچون عالم اسلامدن رواجلی بازار بولە ماز . بو بازارک قلبنی قازانمق ، ینمایہ معروض برافقندن دہا فائدە لیدر .

انکلتزە تجارتی ؛ نفرت وانتقام حسلریلە مشبوع مشتریلرە دکل ؛ بایعنە لبریز اعتماد برقلب ایلە مربوط آلیجیہ محتاجدر . انکلتزەنی ، اسلامه قارشى جبارانہ برسیاست تعقیب ایتمکدن منع ایدە جک هیچ برقوت اولماسە بیلە منافع سیاسیہ واقتصادیہ سی اعتدال ایلە حرکتی امر ایدر .

اکثریت اعتباریلە بوکون جاہل اولان بو انسانلر ، یارین تنو ایدە جکلر ، بنلکلرینی آکلایە جکلردر . بونلکی آکلالمالرینە هیچ

بویوک بریتانیا ، معبد اسلامی - ولو صورت مسالمتکارانہدە اولسون - (باب) دن (محراب) ، قدر فتح ایتش اولدی . دہاشن برظفر : جنکیزک خوارز مشاھان دولتنە نہایت ویرمسی ، ہلا کونک بغدادہ کیرمسی ، ایکنجی فلیک عربلری اسپانیادن قوغمسی کبی تاریخ اسلامک ، یکی فقط اہمیتی اعتباریلە دہا عالمشمول بر فصلنک صرفہ کشاندنەدە . بوندن صوکرہ ، انکلتزە ، اسلامه قارشى ناصیل برسیاست تعقیب ایدە جکلدر ؟

رویت آزانسی ، بو حادثہ معظمہنی ، مختلف دیار اسلامہ نقل وتبلیغ ایدرکن ، شہسز ، قلوب اہل توحید ؛ انکلتزەنک عظمت واحتشامی ، اختلافک بوکوز قاماشدیران ظفر ولہرسانی قارشیدندەکی لرزان و ہراسان برقلبک بوتون چارپنتیلرینی دویمش ؛ باشلری ، بر وضع انقیاد ایلە برآز دہا اکیلمشدر .

طبیعیدرکە قلبلرک بودویموسی ، باشلرک بوانحناسی ائتلاف حاکمیت مادیہ سنک لہنەدر ؛ اعتراف ایدرز .

فقط ، عجبا ائتلاف قسوی بریہ وبجریہ سنک برطور مظفرانہ ایلە حریم خلافتہ کیرمسی کبی بر حادثہنک ، قرآن او قونان مملکتلر اوزرندەکی تأثیراتی سادە جہ خوف وانقیاد ایلە خلاصہ ایدیلە بیلیرمی ؟ بز ، بونی هیچدە بویلہ ظن ایتبورز .

امیزکە اسلام طانک صمیم وجدانندە قوبان فیرطنلرہ نسبتلہ استانبول محیط اسلامک ہیجان وتأثری الکمہیب رعود وصواعقک مواجہئە دہشتندە برشرارہ الکتریقیہنک جتیردییسی قدر ناجیزدر . فجاعتک زہر الآمنی داملاداملا ایچہرک حادئانک تعاقب تدریجیسیلہ الفت ایدن استانبول روحک ، دیکر اسلام یوردلرینک کندن دہا امیدوار قلماسندن طبیعی نە اولە بیلیر ؟ راست کتیردیکنی سیلوب سپورہرک ایلریلہ بن بریانغینک علولریلہ محاط برأودہ بوندیغکزی فرض ایدیکمز : اولوملہ آرا کزەدہ برقیل قدر مسافہ قلمش ایکن بیلە ، متانت واعتدالکزی محافظہ ایدر ، کندیکزەدہ بر اشاغی بر یوقاری قوشارق حتی اشیا قورتارمق ایچون برمتانت روح طویارسکمز . حالبوکە سوقاقدہ بولونان ، پدر وبرادریکمز ، والدہ وهمشیرملریکمز بو حال مواجہہ سندن نە اضطرابلر ، نە ہیجانلر کچیرلر !

... بوتون ظواہرہ رغماً ، بوکون وجدان اسلام ، طورغون برکولک سطح مجلاسنہ دوشن بر جسمک تشکیل ایتدیکی متحدالمرکز حلقہلر کبی ، نقطہ سقوطدن اوزاقلاشدقجہ کنیشلہ بن وبناء علیہ ماہیت مترقیہ وشاملہ سی اولان بر ہیجان ایلە موجدہ دارد . ایشتہ بز ؛ بو وجدانک ، عظیم براوقیانوس کبی تدقیق ایدلمکە دکرى اولدیغنی تصدیق ایدرسەک ؛ بویوک بریتانیاک ، اسلام وانکلتزە مناسبات مستقبلہ سنی تعیینہ مدار اولە حق براس حرکت الدہ ایتش اولە جفنہ قالنز . دیکرائتلاف حکومتانک عالم اسلام حقنەدی آمالی ونیاتی نە اولورسە اولسون ؛ مسلمانلر ، مقدرات آتیہلرینک اییلکسی ،

برقوت مانع اوله ماز . همده ، فلاکت بونلرک ، انکلتره دشمنلرینک
النده آلت اولمالریله باشلايه جقدر . آوروپا ارباب سیاستی ، بنی اسرائیلک
ایکی بیک سنه صوکره کی بخت بعدالموتی اونوتاملیدر .

فقط اوچ یوز میلون انسان نصل محوایدیلرک ؟ بونلر ۳۰۰۰
میلون سینگ دکلدلرک (پاییه انسه قیسید) ایله نسللری قوروتولسون .
همده بونلری محو ایتمکدن ، باشده انکلتره ، عالم مدنیت نه قازانه بیایر ؟
اوچ میلیون مستهلک ضیاعی دوشونولورمی که بر تجارت عالمی ایچون
نه بوبوک فلاکتدر ! سرمایه جی اوروپا ، بونلرک یرینی طوتاجق مخلوقاتی
سیاره مریخدن جلب ایتمک یولی بولدی ایسه دییه جکمز یوقدر .
کورولورک انکلتره ایچون تعقیب ایدلسی لارم کلن طریق
سیاست ، کنیدلکندن توضیح ایتمش اولور . محمدیلر ، بوبوک بریتانیانک
مقدرات اسلام اوزرینه اجرا ایده جکی تأییراتی کال اهمیتله تعقیب
ایدیورلر . عجبا ، لوندرد قایینه سی بومطالعائیزی استهزا ایله قارشیلار .
یارق قوجه بر عالمک دوستلغنی رد ایده جکمیدر ؟ بوکا اوت ویا خایر
دییه جکمز . مع مافیه پک اوقدر عجول اولمالام . کشف بواطن
ایام اولان حضرت استقبال ، سؤالمزک جوابی ویرمکده جکمه یه جکدر .
کل آت قریب .

فایل

مسلمانلر نیچون آلمانلرله اتفاق ایتدی ؟

حکومت عثمانیه بو آنه قدر انکلزلرله نه ایچون دوست اوله مامش ؟
آنک نفوذندن ، قدرندن استفاده ایتمکی بیله مامشدر ؟ دییه بر
چوق ذواتک فکرینی اشغال ، حیرتلیجی جلب ایدیور . خصوصیه
بومهم نقطه ده (اتحاد و ترقی) حکومت سابقه سی زیاده یله تخطئه
ایدیلور . حربک ابتداسنده افکار عمومی عثمانیه - یراصنافدن
ایمان اعضاسنه وارنجیه قدر - تمایله انکلزلر علینده و آلمانلرک
لهند ایدی . بونک البته غایت اساسلی وده رین سیدلری وار ایدی .
یوقسه پروپاگاندا ایله ، یاخود برقاج کیشنک القات و تشویقاتیه
انکلتره قارشو ملت عثمانیه - که بالطبع دولت علیه مسلمانلری
قصد ایدیورز - اوقدر سریع دونوب تغیر فکر ایتملردی . امین ،
بعض کسملر بوادعامه جواب اوله رق دییه جکدرکده : « تبدیل فکر
ایدنلرک جمله سی اتحاد منسوب اولانلردر . فقط بو ، هیچ بر
وقت طوغری اوله ماز . اصل انکلز علهدارانی سنلردنبرو کرک
بوراده - بزم مملکتتمزده - ، کرک بالمله ممالک اسلامیه ده حکمفرما
اولمده و کیت کیده ، کوندن کونه اکتساب قوت ایتمکده ایدی .
بونک یکانه مسببی بالذات انکلزلرله کندی سیاستلری ایدی .

مسلمانلرله دوست اولق ، صمیمی یشامق فکر و آرزوسی ،
دییه بیایرم که یام عصر دنبرو انکلتره ده اصلا موجود دکلدرد .
انکلتره بوضوکه زمانلرده مسلمانلردن امیدنی کسیدیکندن و بالکیز
هندستانی ابدیا زیر استیلاسنده بولندیره بیلمک ایچون ، آره رده

واقع ممالک اسلامیه نک تقسیمنه دائر قرار قطعیسنی ویردکدن صوکره ،
بر طرفدن تورکیه نی کوچولمک ، دیگر طرفدن ده ایرانی روسلرله
محو واقعا ایتمک سیاستنی تعقیبه قویولدیجی وثائقیه ثابتدر . ایرانه
وتورکیاده مشروطیت دوری باشلانجه ، عمومی براتبه اسلام جریانی
دخی باشلامشیدی . اتحاد اسلام فکرلری سرعت برقیه ایله ممالک
اسلامیه نک هر طرفه سرایت ایتدی . بو حال انکلزلری صوکه درجه
قورقوتمش وبومدهش جریانک اوکنه جکمک و آتی عقامته اوغراتمق
ایچون ، انکلتره لندن کلنی یاقمده قصور ایتدی .

ایتالیانلرک طرابلس غریبه اجرا ایتمکری آقین ایله بالقان شبه
جزیره سنده کی حکومتلرک عثمانلی دولتی علینده اعلان حرب ایتملری
هپ انکلتره نک موافقتیه حاصل اولمش شیلردر . حتی بالقان محاربه سی
تورکلر علینده حاضر لایان ده ، لوندردده کی بالقان جمعیت معهوده سی
اولدیغه شبهه ایتملیدر . انکلتره نک عالم اسلامی بسبتون محو واقفیه
قالقیشدیجی کورن مسلمانلر ایسترا ایستمز یوزلریجی بودولتک سیاست
ودوستلغدن چویردیلر و اوندن کلیاً مأیوس اولدیلر .

بو حسیاته بالکیز تورکیاده کی مسلمانلر دکل ، مصر لیلرده ،
آفریقایلرده ، ایرانلر و هند لیلرده اشتراک ایدیورلردی .

بوجریاندن الک زیاده استفاده ایدن آلمانلر اولدی . آلمانیا عالم
اسلامک بو حسیات و غایانه واقف اولنجه ، مسلمانلره قارشو صوکه
درجه حام و ملایمتله ، اعتدال و مودتله معامله یه باشلادی . انکلتره ،
بالقاند کی مغلوبیتمزله ممالکمزک بغیر حق بالقان خرسیتیانلری طرفدن
ضبط ایدلسنه یاردم ایتدکدن ماعدا ، بیکلرجه مسلمانک غدارانه ،
وحشیانه بر صورتده باغدارل طرفدن پارچه لانونب ، ناموسلرینک
یا ایمال اولمشنه سس چیقارمیدینی حالده ، آلمانیا قوای عسکریه مزک
تنسیقه و بالقان حربی انشاسند . کیزلیدن کیزلی به بزه بوبوک وجدی
معاونتلر ابراز ایتمش و بوحرکتیه هر مسلمانک اعماق قلبنده بر محبت
تأمین ایلندی .

حرب عمومی باشلار باشلامز انکلتره ایکی دره دنو طمزی ضبط
ایدنلرک بزی ده فنا بر حالده اغضابه سبیت ویرمش و کندی ایله
عالم اسلامی آلمانلرک قوجاغنه آتمشیدی . بش سنه اوله عودت
ایتمک و اوزمانکی عوامل و مؤثراتی کوز اوکنه کتیرسه ک ، کوره
جکزه بر عثمانلی - انکلز مخادنت و اتفاق ایچون هیچ بروسبیله
قالماشیدی . بونده ده بزم مسلمانلر پک حقلی ایدک . چونکه انکلتره
وفرانسه ایرکیچ کندی متفقلری اولان روسیه یه قوت و مهمان
یتشدیرمک و آلمانیا و اوستریانی بر آن اول مغلوب ایتمک ایچون ،
بوغازلری زور لایه جقلر و بزی بیطرف بر حالده بر اقیه حقلردی .

بزم مسلمانلر ایسه ، بوغازلر مزی زور لامق و استانبول مزی المزدن
آلق ایستیان قوی الشکیمه بر روس دولتک امدادینه قوشمق آرزو
ایدنلرله توحید مساعی ایده میه جکمز ی بیلیوردک . هله او صرهلرده ،
محاربه نک ایلك کونلرنده کی المانیانک سطوت و فعالیت عسکریه بیله